

Radøy kommune

Saksframlegg

Saknr	Utval	Type	Dato
015/2017	Formannskapet i Radøy	PS	23.02.2017

Sakshandsamar	Arkivsaknr.:	Dokumentnr.:
Arthur Kleiveland	17/239	17/1464

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Bergensalliansen – referat frå møte 27. januar 2017
- Orientering om vidare framdrift av brannssamarbeid i bergensregionen – Bergensalliansen
- Endring i barnehagelova – høyring
- Rett til barnehageplass for barn født i november – høyringsnotat
- Brukarstyrt personleg assistanse (BPA) – skriv frå Helse- og omsorgsdepartementet
- Bruk av fyrverkeri – brev frå NOAH
- Delegering av myndigheit etter hamne- og farvasslova §10 – finansbyråd Bergen kommune
- Orientering rekneskap Radøy kommune 2016 v/økonomisjef Sveinung Kvamme (i møtet)
- Verbalpunkt i budsjett 2017 – gjennomgang ved rådmannen og kommunalsjefane
- Orientering ordførar og rådmann

Rådmannen sitt framlegg til vedtak:

Meldingar og referatsaker vert tekne til orientering.

Formannskapet i Radøy - 015/2017

FS - handsaming:

Sterkt resultat for 2016: Økonomisjef Sveinung Kvamme presenterte eit førebels årsresultat for 2016 som er det beste kommunen har hatt nokon gong. Resultatet er om lag 10 millionar kroner betre enn budsjett, og korrigert netto driftsresultat vert 13,1 mill. - som tilsvarar 3,24 prosent av sum driftsinntekter.

Rådmannen er særst nøgd med driftsresultatet i 2016. God budsjettdisiplin og tett oppfølging av økonomien har medverka til det gode resultatet. Rådmannen peikar på at resultatet gjer at Radøy kommune kan setja av ressursar til å førebu overgangen til ny kommune på ein endå betre måte.

Den ordinære drifta syner om lag 2,4 mill. kroner lågare kostnader enn budsjettert. Det er først og fremst helse og omsorg som har medverka til dette. Auka skatteinngang og inntektsutjamning på 4,3 mill. kroner og integreringstilskot på 2,4 mill. kroner meir enn budsjettert er også betydelege bidrag til det gode resultatet. Kommunen har også fått 0,8 mill. i vertskommunetilskot for asylmottaket på Radøytnet som ein pluss i rekneskapen. Totalt utgjer dette totalt 9,9 mill. kroner.

Formannskapet uttrykte stor glede over resultatet, og gav rådmannen og dei tilsette i heile organisasjonen ros for god innsats.

Folketalsvekst: Ordføraren opplyste at Radøy kommune har 5138 innbyggjarar ved årsskiftet 2016/17. Det er ein auke på 61 personar siste året. Folketalet var 5077 ved årsskiftet 2015/16. Det har vore ein jamn vekst i folketalet i Radøy dei siste åra.

Verbalpunkt i 2017-budsjettet:

For å få ei best mogleg oppfølging av politiske vedtak og bestillingar, gjorde rådmannen og kommunalsjefane saman med formannskapet ein gjennomgang og ei presisering av verbalpunkta i 2017-budsjettet. I denne omgang var det kommunalsjef for oppvekst og kommunalsjef for teknisk drift og forvaltning sine budsjettområde som hadde fokus.

Både administrasjonen og formannskapet gav uttrykk for at dette var ein svært nyttig og god gjennomgang for å kunne leggja eit best mogleg løp for det vidare arbeid med verbalpunkta. Det blir lagt opp til ein tilsvarande gjennomgang for helse- og omsorgssektoren på neste møte i formannskapet.

Kommunale bygg: Ordførar Jon Askeland tok opp framtidig bruk av kommunale bygg i samband med kommunesamanslåinga frå 1.1.2020. Formannskapet gav rådmannen fullmakt til å arbeida vidare med denne prosessen, t.d. i samband med planar for utforming av framtidias Manger.

DPS-bygget: Rådmann Jarle Landås reiste spørsmålet om vidare bruk av det såkalla "DPS-bygget". Formannskapet legg opp til synfaring i bygget på neste møte.

Næringsområde: Regulering av eit næringsområde i samband med ny fylkesveg Marås-Soltveit er ei av dei politiske bestillingane til administrasjonen. Ordførar Jon Askeland gjorde framlegg om at dette punktet vert adressert vidare til fellesnemnda for dei tre kommunane som skal danna ny kommune. Formannskapet gav si tilslutning til dette.

Klassedeling: Vidar Grindheim (H) reiste spørsmål om mogleg klassedeling i grunnskulen. Kommunalsjef for oppvekst, Jo Tømmerbakke, svara på spørsmålet.

Formannskapet tok meldingar og referatsaker til orientering, med tillegg som kom fram i møte.

FS - vedtak:

Meldingar og referatsaker vert tekne til orientering.

Vedlegg:

Referat frå møte i Bergensalliansen 270117

Orientering om vidare framdrift brannsamarbeid 270117

Høring Rett til barnehageplass for barn født i november.pdf

hoyringsnotat-om-rett-til-barnehageplass-for-barn-fodt-i-november

Brev til landets ordførarar om BPA

Brev til kommuner om fyrverkeri

Delegering av myndigheit etter hamne- og farvannslova § 10